



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 124. Bulla de Concionatoribus

[urn:nbn:de:hbz:466:1-66414](#)

§. CXXIV.

Bulla de Concionatoribus.

Sæcul. XVI.
A.C. 1516.

Post hæc perfecta est Pontificis Bulla ab *Collect. Conc.*
ipso Concilio approbata, qua verbi *ib. p. 288.* &
divini Præconibus pro munere suo rite *seq.*
exequendo quædam documenta præscri-
buntur. *Mentem certe nostram, inquit*
Pontifex, *mirum in modum commovit, dum*
nobiscum ipsi mente volvimus, quod plures
officii immemores sui, in suis sermonibus non
ad utilitatem audientium, sed ad suam potius
ostentationem laborantes, vanis quorumdam
auribus blandiuntur, in prædicationibus non
viam amplius Domini docentes, non Evan-
gelium, ut deberent, explanantes, sed con-
ficta miracula, nova ac falsa vaticinia, alia-
que magnum scandalum parientia nulla de-
votionis, & auctoritatis ratione vastis cla-
moribus imprimere, ac suadere ubique conan-
tur, & nec pontificali quidem dignitate ful-
gentibus, aliisque Ecclesiæ Prælatis parcen-
tes, in eorum Personas, ac statum audaci-
ter ac temerarie invehi consuescunt. Igitur,
prosequitur Papa, statuimus, & ordina-
mus, ut nullus Clericus tam sacerdotalis, quam
Regularis aut quisvis alias, ad quem facultas
prædicandi tam de jure, quam privilegio,
aut alias pertinet, ad hujusmodi officium
exercendum admittatur, nisi prius diligenter
per superiorum suum examinatus, ac morum

Sæcul. XVI. honestate, cætate, doctrina, probitate, prudencia, & vitæ exemplaritate ad illud aptus
A.C. 1516. & idoneus reperiatur, & hic quicunque postea prædicaturus accesserit, de hujusmodi examine, & idoneitate sua per literas authenticas seu alias sui examinatoris locorum Ordinariiis fidem legitime faciat. Mandantes insuper omnibus, qui hoc munus in futurum suscinebunt, ut Evangelicam veritatem, & sanctam Scripturam juxta interpretationem S. Patrum, & Doctorum, quos Ecclesia, vel usus diuturnus approbavit, prædicens, & explanent, nec quicquam dissonum adjiciant, sed semper insistant, quæ ab ipsius sacræ Scripturæ verbis sane intellectis non discordant; ac denique Evangelium ex divinæ vocis præcepto omni creaturæ cum vitiiorum detestatione, & virtutum commendatione declarant, & pacem ac dilectionem mutuam ubique foventes non scindant uestem inconsutilem Christi. Denique Constitutionem Clementis Papæ V. quæ incipit: Religioli, quam tenore præsentium approbamus, inviolabiliter ab eis observari præcipimus. Hæc Constitutio ab omnibus unanimi voce comprobata est.

§. CXXV.

Bulla Leonis X. de abrogatione Sanctionis Pragmaticæ.

Collect. Conc. Perfecto hoc Decreto recitabantur con-
Labb. t. 14. p. 309. & seq. cordata Bononiæ inter Papam & Gal-
 lia-